



REPUBLIKA E KOSOVËS / REPUBLIKA KOSOVA

KA.nr. 1210/22

GJYKATA KOMERCIALE, Dhomat e Shkallës së Parë, Departamenti për Çështje Administrative, me gjyqtarin Arnis Dumani, në konfliktin administrativ sipas padisë së paditësit “A..C.. Kosova” Sh.p.k., me seli në Prishtinë, rr. “...” Nr. ..., të cilin e përfaqëson drejtori S.T., kundër të paditurës Ministria e Mjedisit, Planifikimit Hapësinor dhe Infrastrukturës, me seli në Prishtinë, për shkak të anulimit të Vendimit nr. 6414, të datës 22.07.2021, duke vepruar sipas parashtrësës së datës 22.04.2022 të paraqitur nga përfaqësuesi i paditësit, jashtë seancës, më datën 25.08.2022 merr këtë:

A K T V E N D I M

PEZULLOHET procedura sipas padisë së paditësit “A..C.. Kosova” Sh.p.k., me seli në Prishtinë, kundër të paditurës Ministria e Mjedisit, Planifikimit Hapësinor dhe Infrastrukturës, me seli në Prishtinë për anulimin e vendimit nr. 6414 të datës 22.07.2021, lënda e regjistruar nën shenjën KA.nr.1210/22.

A r s y e t i m

Paditësi “A..C.. Kosova” Sh.p.k., me seli në Prishtinë, përmes përfaqësuesit të tij, pranë kësaj gjykate ka iniciuar konflikt administrativ me kërkesë për anulimin e vendimit 6414, të datës 22.07.2021, të nxjerrë nga e paditura Ministria e Mjedisit, Planifikimit Hapësinor dhe Infrastrukturës.

Me datë 22.04.2022 përfaqësuesi i paditësit, përmes parashtrësës ka njoftuar gjykatën se e tërheqin padinë në konfliktin administrativ e dorëzuar me datë 24.03.2022 e cila mbanë shenjën U2022:056058 dhe 2022:056059 për shkak se nuk ka më interes juridik për vazhdimin e kësaj procedure për shkak se gjatë dorëzimit të padisë është bërë një gabim teknik dhe për shkak të grevës së administratës së gjykatës janë dërguar me postë disa kopje të padisë nga ana e paditësit.

Duke marr për bazë parashtresën e paditësit për tërheqje nga padia, gjykata konsideron se janë plotësuar kushtet ligjore për ta pezulluar procedurën në këtë konflikt administrativ konform nenit 31 par. 1 të Ligjit nr. 03/L-202 për Konfliktet Administrative.

Prandaj, bazuar në nenin 31 par.1 të Ligjit për Konfliktet Administrative, gjykata vendosi si në dispozitiv të këtij Aktvendimi.

GJYKATA KOMERCIALE, Dhomat e Shkallës së Parë

Departamenti për Çështje Administrative

KA.nr.1210/22, datë 25.08.2022

Gjyqtari

Arnis Dumani

KËSHILLË JURIDIKE: Kundër këtij aktvendimi nuk është e lejuar ankesa.